

銅梁山人詩集

銅梁山人詩集卷第八

渝江王汝璧鎮之

祈雨

白月未沒陽烏升恢台長晝何瞢騰掩扉兀兀不自樂風聲鳥語皆可憎一春不雨至芒種二麥卷縮乾鬚鬢桔槔槔土龜拆圓穹翕赫如紅燈雩壇致禱百吏走柳枝明水潔且澄木郎雲輪語詰屈鐘魚鼎沸交炊烝可憐燒尾豕空駭豈竟鳴鼓龍不應書生淚欲訟風伯安得天馬凌空騰右顧恒山吸飛雨岱宗東指驅雲興我

金華子言
十一
皇宵旰屢民瘼川嶽百神胥祇承今年冀州喜得
歲蒼龍所臨福德增神輿富媼運橐籥豁然滂沛
盈溝塍

過劉伯倫墓口號

漱綠連天秫滿疇荒祠隱隱見糟邱如君一世真
歡伯笑我多生亦醉侯荷蓋自傾杯在手酒旗低
挂月當頭臨風但酌先生土底事關情憶趙州

北平行解題壁間畫虎二絕句

漫說將軍射有神石能飲羽虎非眞豈知畫裏傳
眞相抵掌耽耽正擇人

垂頭似欲委蒿萊瘦骨巖巖亦異哉莫笑畫成還
類狗前身誰識是牛哀

宿雙營

時同部員會勘官地

金堤如帶東渾流汎水安瀾歲有秋村落何年此
萍聚客星今夜暫槎浮三更涼月徘徊立百頃荒
雲次第收但使野人同一醉不妨小圃爲遲留

自舊州至古縣田間作

于役尋秋獨爽然意行隨處得延緣舊州細柳藏
煙塢古縣斜陽下石田殘暑已消新雨後亂蟬猶
噪晚風前關心一事多欣賞喜溢黃雲刈穀天

堤上口號

曉雨不溼地孤雲猶在天秋陽老禾黍民氣協神
絃隄柳濃陰合河亭卓午圓舊時吟眺處雲散又
經年

秋柳

道是相思樹秋來致獨奇霜前擰鐵幹燒後臘蒼
皮大有風雲氣而無花鳥悲攀條多慨慷振迅繫
斑駔

小憩紺雲精舍和壁間高晴谿太守家少林

司馬倡和韻贈別徐慎齋大令

尺五城南古柳邊壺中碧玉早春天亭臯野馬飛
塵過桑下浮屠小住緣爲喜鴻泥猶在壁可憐鳬
鳥未登仙相看一笑仍分袂客去花開僧獨眠

次子田膳部韻送李峩甫回任粵東

離懷淹粵嶠舊雨到燕臺綽虧仍吾態艱難見子
才已看豐羽翮本自遠蒿萊寂寂藤陰下因君此
數來

傷心今夕話不覺漏聲繁親戚連衰落存亡慙弟
昆家士會兄及令兄允中錢待之兄弟先後下世獨揮知己淚多有未招
魂覩縷廿年事他人誰與論

獨有任夫子情深話更長慨慷留短韻攀折愛垂楊古道偏根觸寒聲更感傷南雲好珍重送子去堂堂

長至前五日大雪吳壘用昌黎詠雪贈張藉
韻作詩喜而和之并令廉兒同作

氣自三微始風從萬里來同雲纔欲墜集霰已頻催老鶴鳴陰喜飛烏匝樹猜冥茫吹大陸浩森過離堆瀾水危橋滑山陰小棹迴一簑歸激曲寸笠下雲隈野竹垂成亞長松舞未搖遠憐迷軌轍高訝失樓臺文似多多少篆花看六六裁空虛埋逕蘿

閭寂掩階苔蒼葛原無臭兜羅或可按揣稱宜白
戰沿襲悞紅瑰纍箭生空景逍遙淨遠埃天圓真
昊昊宙合總體水土滋深沃陰陽待輔財河聲
歸溟涬嶽力助崔嵬蝗孽無煩火元駒暗走雷兩
歧來歲麥三自此宵杯不覺冰廳冷於茲綺席開
繁花交漱澗藍玉好栽培謝絮因風起江花入夢
縵未沾衣上柳先放嶺頭梅弱綫千絲繡陽春一
曲該王恭何灑落吳質漫低徊笑我支離影相逢
汗漫垓寒門吹懈竹黍谷動緹灰雨粟天垂象傾
筐斗戴魁不愁滄海濶且任玉山頽方社茨梁積

振儻羽導飈珠光堅澤腹龍氣碎鮫胎榮落天工
巧艱虞物理推屯邊兵甲苦擣練女砧哀已應中
孚信冬至挂氣全消无妄災无妄大早之卦謂無所期望也恒沙

錯圭璧雜組門樽罍會得拈花意多煩吐鳳才擎
雲猶乙乙刻楮莫鰐鯀金石時鏗爾簞瓢更樂哉
玉壺春是伴銀浦月爲媒碧落高情迥黃鍾大氣
恢斯文共彪炳小學始童孩

同作

男廉

寒氣連宵結同雲壓地來那看新月上旋聽暮
鴉催庭院風初定堦除鶴暗猜開門羣玉見憑

檻亂峯堆煙擬藍田出光同合浦迴蒼茫迷井
路浩漫失池隈灑竹枝微重沾松葉未摧幾時
通碧漢咫尺卽瑤臺旋斡饒神運空虛見化裁
霏霏頻掃砌點點又封苔石訝愚公壘花疑天
女接高柯凝細葢大埜發奇瑰閉戶孤今夕登
樓望遠埃夜深寒側側簾動影幢幢土脈滋三
尺天心合萬財幻形分五六壁立總崔嵬網戶
紛如纖風輪轉若雷窗明呵凍硯酒暖泛深杯
遙憶千山冷何曾寸碧開有雲皆靄靄無地不
栽培獸炭傾爐滿釵花綴玉纏羅浮榮好夢濶

水發寒梅上下交光映紛紜衆妙該悟詮忘結
習志喜莫遲徊應候逢長至占豐遍九垓條風
吹上苑緹室動飛灰皎潔非蟾窟晶瑩澈斗魁
醉迷花纈亂笑暎玉獅頽鴻爪泥邊印鯨牙雲
外飈飄飈生太素醞釀動元胎體物情多狀敵
詩韻屢推橋頭人跡冷磧裏馬鳴哀瑞麥應先
兆遺蝗罔後灾幽圖歡婦子社飲集餚彝邇近
吹簫侶低徊咏絮才登龍見頭角趨鯉愧簪鯔
擊水眞高矣培風亦壯哉臥遊增遠思踵息作
慵媒莫喻天工巧於茲物象恢攢鹽差可哂篆

刻似提孩

戊申元夕

舉杯對影興猶豪花霧縞紛上錦袍可少新詩酬
好月況當瑞雪滿晴臯一年心事春波湧上夕冰
輪玉闕高東馬文章付兒輩時廉兒偕吳壘方入都應津院試金
門待詔正含毫

題劉笛樓漁莊圖

析木之津天漢迴九十九淀澗春漪白洋洋蓮花最
雄長吞吐瀛鄭蒸尾箕森沉漪蕪富媼避魚多似
米人如鸞虹橋十二筦橐籥匯爲藪浸離爲陂我

來上谷五閱歲紛紛塵墮填肝脾盪胸濯髮不易
得均堂杯水同兒嬉前年薄遊過趙北眼明千頃
寒琉璃冰光交貫星斗合湏洞不辨魚與龜道逢
劉子下車語但覺鶴氅風披披初如單父問陽晝
又似溫水嘲昌黎鯰生聚沫响沮洳遊鯢失笑膠
溟池歸來兀兀不省錄欹枕時復聞流澌羌何畫
裏得春色是誰玉琯空中吹蓬蓬遠水接天綠開
奩古鏡星暎暎柳絲縈煙乍梳掃一彎芳草裙腰
齊科頭據石者誰子前度劉郎今遇之漁莊一點
小如礪此中合署爲鬼師直鈞所指劖鯉躍小鯤

相慶搖鬚簪濛梁獨往樂復樂非魚非我非惠施
葦間延緣各適適信天小鳥相因依琴高無人孤
巴杏含毫邈爾空情移何當頡頏釣鯉客乞汝碧
灘珊瑚枝

薄暮郊行卽事

蕭然暝色下郊垌作陣飛烏不少停古寺但聞風
浩浩野田誰誦麥青青遠山縹緲浮新影老柳支
離失舊形冷眺閒吟成獨往當空磊磊見春星

宿趙州

荀輿安穩稱清遊一盹茶香到趙州滿地蛩蟬過

白露連天風月近中秋臯禽遠唳無窮思櫪馬相
看有底愁附耳聽卑臨分野秋田望雨正虔求

宿慈航寺漫題

西風愴愴掩僧寮落葉浮雲不可招車過何人爲
腹痛鐘鳴此夕懨魂銷雪泥鴻爪半明滅佛火松
龕渾寂寥當日紗籠足高致瓣香瞻拜已無聊

老柳

多情忽忽爲驪歌幾見攀條喫奈何燒後自餘皮
骨苦秋來猶賴雨風和賸能拂水巢紅鶴未免垂
頭愧玉珂斜日亂鴉消息近可憐生意已婆娑

秋燕

長風萬里送征鴻
燕尾涎涎西復東
飛搶未能離糞土
徘徊終恐入樊籠
野田雀障分狼戾
秋雨泥乾感社公
莫訝翻空輕似葉
三春花柳本飄蓬

涿鹿公廨題畫

山如鐵立水琤琤
游鹿侶嬉遊鷺步珊
元氣幾時歸素壁
仙峯端只在人寰

仙峯坡相傳爲邵康節故居

鶩收塵夢

依巖窟要放飛泉
出世間韋杜紛紛冠蓋接山靈
今夕爲開顏

古北口楊令公祠

聖世昭忠雨露新雄關古廟共嶙峋如公父子眞能死有宋君臣失此人戍角高高山月迴祠雲寂寂蘚花春路人馬上齊瞻拜爭說楊家將若神

題朱安齋觀察江天攬勝圖

青葱峭蒨得其真澹涵江天蘊藉人隨意園林靜成趣無心魚鳥動皆春

振衣千仞太嶽崎只尺何勞萬里思無雨無風好天色半帆正正日遲遲

我家江水發岷源汗漫東遊到海門今日從公春色裏恍紆袞屐在江村

冬至夜示子姪用東坡姪安節遠來夜坐韻

冰簷雪竇凍崢嶸掃徑嚴風夜有聲鵝管自吹初
應律玉梅始放最關情添來弱綫愁方長坐到深
更暖漸生說與兒曹須愛景好花纔著舊燈檠

留寓錢漆林庶常桑下小齋卽景感懷成詠

八年重上輶紅車桑下浮屠暫作家老樹已多新

熟櫟古藤猶有未開花斗魁氣象恩無際

錫嘉四
姪新魁

南宮尺五雲霄夢不遐

時予奉臺樞部奏請援贖

命効力軍

眼熱於

茲還淚墮宣南冠蓋舊清華

康熙辛丑先中丞公
與外舅文端公同官

翰林寓宣南坊邸舍後四十年子通籍爲吏部郎
家兄繼入翰林復與東麓少冠衡宇相望今又二

十餘年漆林

兄弟爲農部爲翰林予罷職入都復來依止不勝今昔之感云

十餘年漆林

寄懷吳氏女并示芍坡壻和之

敢說名山願遂初尙然待罪在氹車遙憐紙閭挑燈夜幾擬緹縈救父書

燕豫連疆亦比鄰女無遠嫁語斯寘圜闊千里今宵月桂樹吳郎近照人

予守順德時過栢鄉雨花庵曾和前守洪素人題壁詩寄任子田侍御今又八年矣予罷職入都見京師傳和此詩悵然有作仍疊前

韻

結習憐花雨當年哭素人豈知東海客傳入輭紅
塵到眼雙垂淚

子田侍御下世又宿草矣

回頭八度春如今閒

記省慷慨說前因

舊夢留邢國題詩記相人寧知三月味同此隙駒

塵

素人病中寄札云鎮之來此甚佳若如朴者雖三月亦不能逮也今移上谷又七年毫無建樹

深愧知已矣愴愴重泉痛低徊寸草春維摩還病在住

世有緣因

武功令錢七待之歿八年矣近聞爲汾水神

漫寄一律志喜亦志怪也

葛帔相依記昔年漂零燕子太翩翩一行永訣蓮

花嶽八載傷心太白天畢竟畸人終得道可憐塵
骨未能仙臨風笑醉汾河月正直爲神亦偶然

宿九松山寺和壁間韻

浮屠三宿不留蹤住世誰知出世容遮莫煙雲添
素壁竭來心眼只青峯低頭客似支離鶴癢項僧
如僵蹇松好看前山作飛雨就中疑有葛陂筭
流水奔輪感逝蹤趙州茶熟自從容

門外有茶棚
行人多憩息

于此而新長雲間聳碑兀纔堆雨後峰過客笠欹
中午日道人心定歲寒松與君靜聽濤聲去手把
龍鱗當拄筇

閒居納涼用昌黎短燈檠歌韻

漏聲刺促燭焰長，開軒愛此明月光。
兼旬兀坐困蒸溽，飄風驟雨招新涼。
睡壺擊碎不成寐，鳴雞趣舞薪在床。
浮生忽如遠遊客，飛鴻迢迢魚策策。
乾坤泰大波汪洋，止止祥生虛室白。
吁嗟長檠宜鑒前，飲畋飛涉同一眠。
瞿瞿蟋蟀戒驕恣，秋影釭花生古翠。
素紝舒卷會有時，篋笥恩深豈捐棄。

雪夜聞歌口占四絕句

對影聞聲有所思，雪兒風調夜寒時。
誰教宋玉愁難和，遮莫袁安臥不知。

玉壺孤冷漏聲遲何處含春笑語嬉

昌谷雪詩亂笑含春語

正想梅開驚竹折瑤笙微逗一絲絲

鍊馬沈沈鼓角收雪花如練朔風遒一聲入破寒

雲裂似報官軍下蔡州

天花亂落地爐紅一片停雲夜正中鳳鳥自歌鸞
自舞吹幽我亦唱春風

酬贈李二載園大令四首

金臺十載訥才能最喜同舟得李膺風雨三秋重
知己文章千古有良朋

釣鯉誰似李青蓮仙令鳬雲到日邊直送九河歸

渤海莫忘一畝是廉泉

載園前任滿城令

一笑曾遊折木津來歸依舊鹿城春誰知海上乘槎客又見成都卜肆人

時載園署天津令將御篆仍歸東鹿

唐棣於今信可刪相看冰雪對孱顏新詩莫問因何瘦好在逢君飯顆山

銅梁山人詩集卷第九

渝江王汝璧鎮之

居庸集

汝璧旣罷職閒居一載仰荷

聖主鴻慈垂問數四辛亥夏五特授爲宣化郡丞
此後駕駘報効之年皆

天地生成之賜矣宣郡僻處居庸徼外山水瑰奇
民俗厖陋丞無刑名責惟暇時集諸父老說
因果勗善良以孝弟儉勤相勸勉果爾父傳
之子兄教之弟善人多而風俗醇亦區區之

至願也易曰无咎者善補過也又曰不遠復
无祇悔慎斯以往其庶幾无咎矣乎以居庸
名編者紀畏壘之新居攬關山之奇槩云爾

辛亥五月蒙

恩起用宣化郡丞紀

恩志感一首

讀易空半生讞盜何茫昧自惟職事疏敢冀

聖慈貸星馳赴樞曹倉猝指北塞投畀亦奚辭曠
官固深戒大哉

蒼昊恩霽照澈纖介銜

命早賜環筮卦已得解從此歸田疇

帝力歌耜耒小臣嗟何人

天語詢至再

汝鑒閒居一年屢蒙天語垂問曾否得官旋奉旨特授斯職

聖恩高厚感悚益深矣

昨朝巽命申忽授新銜拜佐郡雖左

驂殊榮同上最居庸山峩峩于延水琅磕古城三千戶芻牧丞是賴居處旣不崇吾民庶康乂矢報無窮期藉用前愆蓋寸草欣向榮永永春暉戴

望峰山寺疊九松山韻

急瀨飛泉雨後蹤濯纓天與滌塵容歸來玉塞纔三日行遍青山剩此峯擎确尙多當路石盤擎時

見抱崖松山靈往復相迎送未暇登臨策短筇

喜雨

風伯何須訟龍神自有靈天心憐赤子民氣合蒼冥澤下已生尺煙綿未了青不辭奩飯祝厚望得盈甯

哭履孫

彭殤顛倒理甯誣恨海難填日易徂百歲光陰同

夢幻九齡啼笑一須臾風吹雹雨琉璃碎去夏雨

得句

云風吹琉璃

衆

之句

忽

元文子墨枯已自漂搖愁敝

羽半年忍更失雙雛

去臘次孫痘瘍

隨制府赴灤河卽由古北口至宣郡閱兵途

中雜詩十八首

題隨幕府簡軍戎袖裏韜鈐馬上弓自署新銜軍
司入聲馬文章太守笑雕蟲

西風古柳未衰殘流潦縱橫漸欲乾抱葉涼蟬能
飲露聒人吠蛤尙翻瀾

一條路上青雲直四面山開碧落寬此去但歌行
路易入山先喜到山安地名山口

飛龍急瀨去粼粼觸石漫天便起雲北澗水連南
澗水泉源一脈本難分白河澗遇雨

銅梁山人詩

居庸集卷九

三

疊疊山如碧玉屏翠霞高處小蟾青乘風直上天

門望舊是諸郎第幾星

予爲吏部郎時每歲帶領選官過此

摩天積鐵鬱蚴螺馬首千尋轟虎頭頗似黃陵留

禹蹟三朝三暮見黃牛

遙見虎頭山高出雲表

山椒尺土盡耕鉏蕎似琅玕秫似珠安得大施龍象力盡翻石骨作膏腴

何年丹嶂倚高穹塔去山存古廟空石佛金仙逢

聖瑞禹糧堯韭獻天工

雙塔山上有古廟遙望如斷壘雙峯對峙絕壁數百

仞無路可登昨奉

旨以雲梯上絕頂閱視但

有石碣鐫王仙生三字無年代可考廟中石佛一

尊此外山韭數畝菁葱可愛亦一奇也

天香依約隔重雲走馬看山到夜分遮莫無花更
無月村醪獨飲尙能釀

迢迢碧漢自西流霜月平分玉塞秋獨立荒屯人

靜後黃姑無語正當頭

中秋宿黃姑屯

一水彎環似帶長黛眉螺髮曉青蒼山花雨過垂
垂碧塞草風來細細香

清秋風日似春融翠隴黃疇一望中百里灤河比
明鏡鏡中朶朶碧芙蓉

森森鍊壁陣雲張笑倚中軍寶纛旁恰是羽林屯
北落好看上將入文昌

不見仙人雙髻丫山容幽墨鎖煙霞瀟瀟一夜風
吹雨萬壑笙鐘帝子家

兩宿丫髻山山祠碧霞元君未得瞻禮

出塞纔歸又出關此行端的爲看山秋風百里居
庸路怪石危峯擁翠鬟

種難成玉棄盈溝鞭不成羊堆滿邱煮得果能如
芋熟誅茆便此覓菟裘

月上燕山暝色清紫萸黃菊佐金觥青油幕下人
如玉唱出饒歌破陣聲

去日涼蟬未斷聲來時鴻雁盡南征此行莫道無
供給到處青山有送迎

五十一歲生日宿五臺顯通寺

千山萬壑湧青蓮七寶光明導我前初度恰來菩薩頂多生好在雨花天知非久已除非想算過今應免過愆合掌毘盧善知識一甌花乳說因緣

題吳谿樵松下抱琴圖

神仙中人山澤曜冰絲艸篆相與俱嵩陽松下聊自娛畏壘治來今幾歲誰爲韻頌飛霞珮松耶喬耶會斯致石不言兮琴在峩泉不作聲松不濤一泓海水青天高有子纔舉月中桂縹然大有凌雲氣小松粒粒皆可意我題斯圖丁未冬鞭鸞笞鳳

眞念念指痕何處尋飛鴻今朝閉門繙蠹冊一句

兩句忽有得起舞金尊叫明月

前在保陽郡齋會作七古數韻未及

題卷中稿遂失去今閱四年前詩都不記憶偶得一二句亟足成書之疏略可笑也

雪夜與少林太守過李二載園寓齋小飲用

昌黎和盧雲夫送盤谷子詩韻卽以送別

今夕何夕供具張歌詩再疊觴數行不知銅籤咽

寒漏但覺雪屋回春陽少林吾兄負奇氣一夜傾

倒篋與筐雄詞攬空噴花雨牽牛蝟縮不服箱袖

裏五百睡驪目貫珠細意如穿楊

有上制府詩韻傳誦一時

七年學圃臥河曲一麾作郡差未忙貞心遠寄鬱

林石側身南望何蒼茫眼中之人杜與李

時杜梅溪亦在

坐長歌痛飲慨以慷嗟予小弟亦起舞臣之壯也

猶能狂雪花漫漫夜欲旦槎枒芒角相低昂解頤

正要匡鼎說覆瓿未礙侯芭藏洞庭九疑落吾手

頽頽飛夢連太行蒼蒼八柱矗天表神仙奧府環

溟倉滄海古通作倉海先生此去應大穰何異畏壘巢庚

桑

移居用贈尙書錢廉江先生初夏雜興六首

韻

無心何處有虧成春到寒槎綠又生新雨山光看

未厭舊巢燕子喜相迎感 恩不敢稱中隱局戶
猶慙有譽聲暫借一枝棲息穩培風積水笑經營
投閒自喜一無能鼎鼎年華馬齒增旅食肯彈長
鉄劍讀書原愛短檠燈略藏邱壑移拳石大有煙
霞駐古藤藜逕莫嫌車馬寂長頭問事總能膺
家具粗裘下澤車一區種芋亦收瓜庚桑歲美三
餘足黍谷春回百草芽隨意軒牕聊位置舊時闌
檻任欹斜祇因竹栢多惹禱不種夭桃穠李花
僑居亦復愛吾廬地近蓮池是舊渠差喜高雲因
客聚任他明月到牕虛不妨無事常呼飲爲厭裁

牋不釣魚陋巷何慚自娛樂寶山新拜紫泥書

寶

八

山在宣郡

丞署後

數錢日日計朝饔僧石無儲食未重當日冰曹何

太瘦卽今墨守更難攻牽蘿有屋聊堪補因樹逢

人自號僕猶有閒情兼厚望早霏三白慰三農

漫道蕭條四壁寒梅顛滿壁畫猗蘭輒紅邱舍相

依久風雪河橋話別難

時朱柘浦別駕由京赴池陽任以吳仲圭畫蘭竹十

二幅見貽繡綫添長緹室暖青雲書瑞碧霄寬與君出

處真何似鷗鳥忘機立淺灘

與少林太守同宿紺雲精舍再疊前韻

時將赴平

樂任

遠思無端到酒邊
衝寒嶺上放梅天
春風驛使繁
新夢紺宇香
林記夙緣冷
月當空杯在手
癡雲滿
壁句如仙玉霏細
細清宵永
凍徹冰壺不得眠

容城道中大雪三疊前韻索少林和

寒雲送客古城邊
玉琯葭灰欲散天
野水荒灣渾
瑩澈疏林凍鳥自延緣
銖衣舞處真如夢
鶴筆披
來便欲仙
沽酒白溝同一醉
逍遙正好對床眠

甲辰春予守順德程魚門編修自山左歸手

錄近作二卷見貽曾和冒黎遊青龍寺韻送

其行嗣魚門遊秦歿於西安復爲詩哭之今
且八年矣魚門詩草前爲家少林司馬搆去
今少林擢平樂守屏當行篋得原稿寄還寒
夜繙讀復見青龍寺和詩不勝愴愴因疊前
韻題識并寄少林和之

垂老遊齊尋甯管西望函關彭命短千思自此不
復來窮乎窮乎金石滿辰春相見襄子城蠟屐瞓
踰肩雨繖泱泱滿衷東海風蒼驪珠子青凰卵可
憐哭倒滹沱秋蟲魚簡碎迴腸斷是秋正定途八
中聞魚鳴歿入
載塵中一小林好古耽詩如渴旱出入懷衷光不

磨行伴書牋歸茗盃文章交道信有神風雲呵護
真非誕昨宵舊觀合浦還那得飛牋西陽纂聞魚

作楚督秋帆先負薪兒子今何如自湯餅時屈指
生爲之纂刻

算將屆蘭成射策年練裙誰是靈臺伴嗟予潦倒
今幾秋塵土填胸誰濯澣何以解憂差慨慷未能
免俗聊疏嬾當年九客如搏沙一放手來半拋散

斯人斯疾任

子周書

奇陳子

伯思

沈郎

南雷

去何坦魚

門歿後我無詩豈獨無詩交益罕飛騰野馬不暫

停心井枯眢少情欵少林先生獨好奇寒谷冰天
爲吹暖高懷摯氣如春雲縷脈青山細分嶽海波

湧洞眞移情一彈再鼓豈容緩

正月十八日招藍瘦竹別駕李載閩大令飲
用岑嘉州衙郡守還韻口占六首索和

冬暖春偏寒造化安可料今年燈市繁亂蕊含春
笑近局相招攜畸懷見風調要掣碧海鯨莫似侯
生釣

觴飛母陣停詰屈覓詩料探韻思古人磊落殊可
笑吾儕幸無事好飲有同調射覆喜得釣六鰲連
一釣

去臘差小雪麥秋未可料亟招三白來俾我農夫

笑吹笙娛嘉賓沈吟發高調慷慨爲酒歌亦以直
鈎釣

花事今如何始春先量料落落盆中梅獨向缸花
笑藍子真佳人離離吐清調遙情山海間好下珊瑚
釣

海客談瀛洲蒼茫孰能料李生南海士時作望洋
笑迺然爲古風撲拙勝才調歸歎採明珠暫事滄
江釣

晨夕樂相從陰晴不須料參游過天西酒旗向人
笑雖無箏與琶孤竹自成調知音良貴希浮名何

足釣

題仙娥姚珊瑚小影集昌谷句

像爲乩筆自傳

巫山小女隔雲別，翩翩桂花墜。秋月長眉凝綠幾千年。
楚魂尋夢風颶然，一隻商鸞逐煙起。一雙瞳人剪，
秋水依微香雨青。氣氤金翹峩，髻愁暮雲十八鬟。
多無氣力綵綫結，茸背複疊曳雲拖。玉下崑山翠，
滑寶釵簪不得秋。肌稍覺，玉衣寒。芙蓉凝紅得秋色，
露花飛飛風草草。天若有情天亦老，江娥啼竹素女愁。
秦妃捲簾北窗曉，虛空風氣不清冷。揚雄秋室無俗聲，
雲樓半開壁斜白。缸花夜笑凝

幽明橋南更問仙人卜看誰浸髮題春竹紗帷晝
暖墨花春薇帳逗煙生綠塵真珠小娘下青廊五
十絃瑟海上聞憑仗東風好相送長翻蜀紙卷昭
君時李載園臨摹一幅見貽

題李載園濮陽策蹇圖

官府神仙有簡書日馳三百不乘車請看海上釣
鼈客時復雲中騎碧驢

自聳吟肩策驅驢黃榆綠柳影疏疏歸來探取奚
囊錦新得河渠一卷書

二月二日同人集寶昌書屋得料字韻同賦

空虛跟位茫然笑撲撲颶颶出藜藿連睢摻手來

者誰才子翩翩半年少玉堂詞客梅花仙將門之

子兼文曜

大庾夫翰林

之采老柏參天青夢裏梨雲

更娟妙

楊米人入歲曾賦
梨花詩一時傳誦

峩眉山人小夏侯蘇簿

荒祠久憑弔

夏鷺汀曾賦
任樂城令

蓬萊仙子回雲車珠浦南

尋詹氏釣

李載園將歸廉州

諸君磊磊吾所欽湘瑟綠笙

各殊調嚧吆高論鏗鯨鐘趣數小言搜蚓竅有時

見我杜德機斗室颸然絕歌歎飛觴進酒口莫停

起舞聞雞腳不掉分曹射覆爲廈辭蜥蜴蛇龍知

孰肖月虧日滿六書奇少廣旁要九章約五百逐

雉誰得梟三變成鳩復爲鵠迫窘詰屈幾何窮堅
白縱橫類相召吁嗟世事無不然棗地楓天不能
料吾儕宴樂義在需朶願不用求龜燁鴟夷滑稽
大有容翦毛罰爵無盡醻閏年春色來紓徐似爲
行人故繁繞白日蕭條二月初側側冰牕尙寒峭
微茫柳眼未向人侵凌雪色猶存突玉壺頻買拋
青春沈沈更待簷花照

春分日虛谷庶常招飲時衡齋用昌黎東都

遇春韻同賦

春分如幽人遇物無心競煙霞自分敷山水互澄

映時花能白紅古木益老韻化工不易知覃思空
欲病李子春風心汙漫攝奇橫閉門古蓮池止水
作心鏡戶居觀古今人物默衡評景行曾史修高
矚唐虞盛豈惟寡交游抑已收視聽有時出雄文
雷斧劈山暝窮搜萬古淵刺手陰瞿醒著書棟已
充乞米室如罄周髀測青黃羲象演奇正長笑衆
說郭子知乃入穿君方考訂經圖翳余落塵寰孤冷自天
性取友三十年圭璧窮問聘百一斯爲收千頃波
涵泳太華真削成森秀極天淨春光忽平分文章
交緯經在齊誠不圖自節皆所逆締交未恨遲相

與晨夕併辦香人敬曾寸筵我拜孟一鴟暫滑稽
無量已中聖盤空軋高言挽強誇後勁衙官與老
兵一一供使令昔回路二子相贈何恭敬中外同
一心不異盍簪慶執德期日新榮名信天命猗歟
圖與書枕蓆無終竟

銅梁山人詩集卷第十

渝江王汝璧鎮之

微雨宿十方院

閏歲遲遲柳未醒東風吹冷下空垌絲絲夢雨十
方院黯黯荒雞五里亭茆屋買春聊獨賞道人命
琰亦堪聽眼前厚望惟甘澤宿麥連雲接隴青

題長雲寺

寺在高碑店前明太監
張某修造賜名長雲

十載經過竟未知豈知此處有高碑長雲額自龍
鸞舊司禮名猶聳肩垂荒砌草深牛礪角古楓香
老鬼然脂仆碑存廟斯吾志清淨天花爲掃治

范陽夜雪

撲面風催驛騎鈴
一天雨意正冥冥
孤煙遠上樓桑里
暮鳥歸投督亢亭
徹夜寒聲何側力
重衾清夢自忪惺
太行飛雪來千里
吹滿燕山第八陘

太行

入燕第八
陘爲西山

過良鄉

軒轅臺上雪珊瑚
草色侵凌綠未還
督亢寒雲連白水
胡良曉月挂西山
小槽酒作烏程淡
野寺門藏白版闇
便欲一登多寶塔
鄂公遺構尚辱顏

多寶

佛捨唐尉遲
敬德重修

盧溝

萬古桑乾水奔騰似濁河建瓴千嶂束急箭兩厓
過震盪從天下經流占地多 聖謨頻指示永永
奠渾波

永戴嘉名錫朝宗路不訛恒沙翻白日過客訝天

河梁跨飛虹迴山留曉月多年年麥黃後火馬報

洪波

每歲麥汎後橋洞水長分寸皆飛騎馳報

于役津門晤郭廣文話舊次和見贈之什

連朝絲竹鬧酣春靜坐逢君氣味醇青眼高歌渾

似舊白頭相對却如新

君前任邢臺教諭予爲順德守酌來瀛海

文逾富惠我清風意倍殷慙愧十年流水過茫茫
仍是望洋人

臥病喜雨

熱風吹入骨三日不成眠今夕虛齋裏如聞枕上
泉蒼生眞厚幸喝旱喜都蠲藥物何須乞心田已
勃然

病起

焚輪風魃日相煎戾氣乘虛喝病纏夢裏似過身
熟破覺來依舊曼花天中年哀樂傷多故此後心
情淡作緣好乞甘霖蘇下土意行神馬亦冷然

擬一日復一夕二首

一日復一夕一昏又一朝日月如跳丸鬢髮亦已
凋生逢堯舜時許身夔與咎志氣豈不偉執德如
瓊瑤辛勤伏阜櫞僂營斗筲曼倩與侏儒生死
疇能料我願生兩翅高舉凌青霄雲漢濯我衣沆
瀣斟我瓢振衣歷泰階自見風雨調下視夸毗子
碌碌非久要

一日復一夕一醉還一醒醉者全於天醒者勞其
形亮無百歲姿何苦萬慮營所以古達士忘身徇
瓶罍我願傅兩翼上天邀酒星突入張素厨滿酌

瘦柳觥一醉忽千朝酒旗勒其名歸來夢初覺月落參旂橫老葛花不開柘漿難析醒顛倒撼營魄蕩潏失五精乃知荷鋤死不如止酒生

效少陵作存歿口號

美人蔓草哀程子

謂魚門

仙夢華芝憶少林木落淮

南芳樹盡春生桂嶺碧雲深

少林時赴廣

西平樂守任

字林補後任生死考證成時段子傳

金壇段淳浦

著說文考證

將成弱冠時與任子田訂
交構李論文千古事

時與任子田訂

三十

年矣

巫山令庚子

別十三年

淳浦前作巫山令庚子

冬與子劇談三日而別

論交苦憶涂司馬飲酒不如申冀州四十稱翁今

已矣

涂君歿時四十三歲

晚香依舊

予守順德時識申蘭圃於

晚香堂

纏夢刀州楚些陳

孔文若太守

言歸珠浦海門春

李載大

令豈知孔命如顏命

去夏孔君歿年僅三十餘

不及詩人與酒

人

翰林風月梅花古

大庾李介夫

吏部銓衡贛水清

贛州盧闡

峯

此日釣竿懷李白去年磁枕哭盧生

喜雨

久不聞雷聲電光亦可喜久不見甘澤雲氣未足
恃狂飈西南來日夜號不已直欲卷屋椽豈獨裂

膾紙雨師縮如蝟噤不敢仰視雲將絕塵奔一息
去萬里睡驪蟲生鱗濤沫响珠子列宿芒怒生爭
頭更搖髀風伯益肆虐弗許飛電駛獨有歎火威
殷然煩壞起搏擊不得出龍戰黃泉底陰風更彌
蔀不放寸隙抵乙乙戛磬如拔修蛇尾山嶽爲
震疊釐拚幾欲徙鬱屈大闢遙詰盪天門啟帝命
咨六丁往贊霹靂使劃然巨斧揚劈山翻海水宇宙
合氣始鬯飛廉旗亦靡時天已質明女魃蚤磔死
須臾雲漢傾溝瀆決奎豕沛然滿畦塍下尺上生
咫八部諸龍王齊力奮臂指佛說大雲輪天人皆

讚美我病方霍然清涼浣肢體作詩紀神功西成
從此始

寓齋雜咏

古槐

老槐如蒼龍鬱勃自軒舉當暑延午陰停雲逗青
雨

蜀葵

密節筇枝勁繁花蜀錦鮮不徒開向日朵朵向青
天

薜荔牆

翻翩蒼鸞翔蟬蜎翠虬結雪然風雨過玲瓏挂秋

月

竹牕

夢雲青瑣連粉籜綠天坼春蚓與秋蛇揮灑虛牕

月

夜坐納涼

樹老風生得庭幽戶不扃繁聲歸閨寂涼影自忪惺落月雲痕赤流星露氣青幾番望箕畢碧漢正

冥冥

有月來投戶無人夜欵扇花魂方栩栩蟲語最惺

惺露淨寥天白燈芒古劍青不須憐鶴警久已任
鴻冥

短歌行

引宮召商軒乎清揚人生幾何奚不樂康君子有
酒旣旨且多耿耿不樂沈吟歎歌自日揚揚浮雲
在天落霞相逢各自爲妍酌彼玉斝覆於均堂不
如方舟厥源濫觴扶寸在目不見泰山一笑兩心
跬步戈鋌我有嘉賓竽瑟具陳來者日疏去者日
親紅蠶枯桑其繭不黃慚無尺素報鯉一雙鶴鳴
于天零露雰雰撫我焦桐舍彼舊怨

長歌行

今夕良宴會繁奏何洋洋堂上列孔翠階下羅鴛
鴦淑顏滯臨映纖步輕迴翔清歌遏流雲皎月棲
雕梁赤簫吹參差含意而傍徨精魄不自持留克
如迷方願耶金石心歡樂長無央莫教雞亂鳴燭
樹淚成行我欲竟此曲此曲哀且傷人生匪一致
駛景同飛揚富貴長憂疑貧賤多慨慷所以千載
上愚智皆茫茫

長歌續短歌

短歌雲不行長歌日爲返意行卻曲道阻修頭痛

山連身熱阪九衢蕩蕩焉有之愁人自覺多嶽崎
曾參誤殺人老母爲下機孔子嘆瓠瓜不免由也
疑自古聖賢尙若此何況悠悠之口之是非所以
楊朱泣歧路墨子悲染絲美人香草騷廿五神絃
鬼些多哀辭後來作者鮑與李五音雜糅歌陸離
短歌刺促夜燈赤長歌崢崢劍光碧妖鳥遠遁魑
祿藏百怪不敢延聲息長歌未終短歌續年年春
水蓬蓬綠流來不盡古今愁鳳管冰絲亂心曲

午牕得句

蒲盧將子入牕疏白晝蕭條午夢餘吹萬紛紛來

衆籟剎那念念失鄰虛更無客到花開砌漸覺陰
濃綠滿裾不用魯陽麾日返羲和攬轡正徐徐
來者悠悠去已疏忙中閒坐是贏餘一番風雨忘
庚伏千疊雲峰盡子虛慈竹翠陰生鬢髮安榴紅
纈上襟裾空庭最好延清晝蝴蝶飛來影自徐

抹麗

暑雨纔過淡掃妝素娥新試六銖裳幽蘭入夢添
薌澤小玉收燈有夜光蠻女髻邊雲欲曉珠娘頭
上月能香分外明蘋葛林中見好乞維摩作道場

無花果

青琅玕綴碧梧枝無色無香品獨奇似恐羣葩多
見妬故教碩果自含滋棱棱厚葉煙綿重黯蒼
皮雨濯宜若謂是花非卽果空花安得味如飴

蟻垤

直欲齊岡阜居然作障陂霆聲時雨速天意小蟲
知撮土隄封固丸泥嶽鎮奇一般如帶礪銘績爾
其誰

龍絲

所思在雲表見喜上羅衣雨過一痕重煙明半縷
飛九宮原起一三角漸成口古圖字大巧還藏拙眷

蠶恨滿機

效謝宣城賦鼓吹曲二首卽依其韻

桂棟文杏梁松舟木蘭柂嘉木與佳人知已必締
結天桃紅淚零官柳青絲折莫漫怨春風春心中
斷絕右芳樹

登高使人悲休羨垂天翼岐路生四方高情空入
極不識浮雲心但見寥天色所思在何許悠悠肯

相憶右臨

高臺

沐浴

沐浴以去垢旦夕垢積身灑掃以去塵出入塵滿

茵塵生便亟掃垢滌復就新勞勞百年中治已兼
治人日月有蒙翳江湖有風渝陰陽迭消長生減
多緣因涼秋氣當肅煦煦非至仁冰雪懷大冬寒
盡方知春掃滌苟不勤造化爲墳煙豈曰設盤席
遂可無垢塵

雨餘

雨餘晴亦好造化本無心衆綠有榮色鳴禽多喜
音奇峯積虛牖長劍倚遙岑靜覺忘機事翛然風

滿襟

浩浩崇朝雨茫茫望歲心祈羊無吝澤奩奩有佳

音殘蝶收斜照飛雲度遠岑庶幾紓遠目因以滌煩襟

戲作老至居人下卽用劉文房韻索申蘭圃和

老至居人下相看一听然生天靈運後待旦祖生先劍鍊彈朝日琵琶語夜煙不逢霸陵尉飲獵自年年

荒雞

祇應戒旦與司晨脣薄何緣警夜頻詎恐後時渾亂叫却教無故惱比鄰先聲起舞差非惡下客能

嗚竟是眞深巷豈惟驚吠犬戶鄉直欲誤仙人

委勘保定屬十七州縣旱災途中口占

一雨難禁一月風畿南千里旱形同諷咨宵旰煩
宸慮振貸冬春補化工要使倉糈無點鼠莫教道
路有哀鴻周行到處還多愧父老傳呼借我公

當來日大難

鹿城道中作

來日大難田枯井乾嗟我婦子終宵永歎食土而
病食榆則暝楊柳依依苜蓿闌干掘土旣空剝樹
亦殘行乞鄰邑鄰邑灾患啾啾黃雀不于野田鼴
莫不保安知歲寒欲死不可母老子單哀此餓人

泣下汎瀾食之欣之安土勿遷昊昊
澤如天還歸爾傭以堠振援用告爾牧尙善撫焉
母曠厥職勉是仔肩

遇雨志喜

雷聲振枯槁雨脚共駢鬪已過立秋後猶爭晚種
先背城眞借一死地得生全喜極淋浪舞禾苗綠

向天

野田黃雀行

黃雀黃雀載飛載啄野田荒蕪翁瘠媼枯嗟爾黃
雀胡爲乎豐年狼戾爾則肥歲凶無食無膏脂嗟

爾黃雀其餒而東鄉鬻粥存恤流徙西鄉散穀活我婦子額手皇天幸不死黃雀飛來啄賑米

鄭州道中

瀛鄭之間百川匯水不上天不到地火輪燒日雲霞焦海氣煎潮魚鼈沸春耕梁稻已無成秋種黍蕎差可冀九十九淀幸毋乾留灌吾田莫終廢

夜行聞蛩

閭關行役少休期喟嘶鳴蛩觸緒悲纔著商聲何激切可憐碧葉太乖離時值立秋已成玉露金風候還是荒田赤旱時遮莫勞人多感嘆饑蜎相和五更

嘶

晚行滿城道中

斷雨不落地
頽雲猶在空
行人飛電裏
渴驥亂雷中
方社愁無奈
籌車望已窮
馳驅憐涸轍
惆悵對西風

望都喜雨與蔣勤齋小酌疊前韻

天飄翻馬耳
狂喜欲騰空
酒盞新涼後
燈花急雨中
晚耕收可待
渥澤惠無窮
帝力知何有
熙見古風

雨後唐縣山中

西山飛雨逐鞭絲馬首停雲去意遲最是秋田好
風景晚蒼青似早春時

峩髻煙鬟多古情桃花洞口暮雲生

桃花洞禱雨有應

梅仙子曾相識盡日風雷挾我行

仙姑洞相傳唐梅二仙修真於此

宿大洋

居人畏山緊客子歎年饑市散關門早虹收斷雨
微舊遽重憩止垂柳互因依石榻尋前夢新蟾忽

上扉

丙午歲因公駐此

別唐縣

金華山人詩
信宿雲煙合周巡慰卹宜一勑凍雨後併力蚤秋時民氣陶唐古山光大茂奇六年三過處長夢採華芝

七夕憩靈源山寺集金冀國公主驀山溪詞字爲七絕句二首

立向靈峯眺遠煙芳雲好住翠微仙青溪依約人何處短笛吹涼欲暮天

西風禾黍秋煙度涼月松雲遠翠依欲問仙人吟賞地青鸞乘向廣寒歸

五雲泉

下有九水分流

山色碧於酒潭光青似天五雲噴密雨九水亂流
泉湫淨龍宮閟峯迴鳳翼聯子岡爲鳳源頭村名
路轉相遇盡疑仙

一勺靈淵水中涵太古天雲光開疊嶂龍氣作飛
泉玉孕方池靜珠藏五緯聯柿林紅未染碧盤已
如仙